

丁未春正。日本南州少佐來遊新疆。晤談甚暢。賦詩贈之。即以送別。

涿州、翥雲氏、馮遠翹

相離何太遠。相遇更嫌遲。况復平原聚。難瘡十日期。傾心訂交後。

抵掌劇談時。待鼓扶桑權。尋君泛酒卮。

戰馬初還轡。征鴻又遠騫。行蹤隨日御。攬勝到河源。言稅烏孫駕。

還探象教原。殊方異風景。珍重是寒暄。

丁未孟陬。贈日本南州少佐。即希吟正。湘鄉、曉棠氏、炳熿

東風瀛海洗鞭來。躍馬曾登大將臺。試上昆侖回首望。萬山春氣擁龍堆。

強圉協洽陬日。奉贈南州少佐。即希吟政。湘鄉、曾鴻蔭

匹馬西來塞草青。春風楊柳唱旗亭。知君歸渡滄瀛水。劍匣猶餘海氣腥。

丁未孟春。奉贈南州少佐。還日本。即希吟政。瀟湘、毛英畏

聖世書車文軌同。詞華上國舊稱雄。觀光有客從東至。猶帶扶桑曉日紅。

踏遍蓬瀛膽氣豪。還鄉隨會裕龍韜。繞朝贈別無長策。一曲陽關當寶刀。

日本與中國同州同文。往々出有鴻博而我國反遜焉者。